



Republika e Kosovës
Republika Kosova - Republic of Kosovo
Qeveria – Vlada - Government
Ministria e Shëndetësisë - Ministarstvo zdravstva - Ministry of Health
Divizioni i Prokurimit/Divizia Nabavke/Procurement Division

Prishtine datë, 11.07.2023

Zyrtari Përgjegjës i Prokurimit i Ministrisë se Shëndetësisë, në mbështetje të nenit 108/A (paragrafi 10.1) të Ligjit per Prokurimin Publik nr. 04/L-042, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, duke u bazuar në nenin 63 të Rregullores per Prokurim Publik të aprovuara nga Komisioni Rregullativ i Prokurimit Publik, duke vendosur sipas kërkesës për ri-shqyrtim të datës 10.07.2023, të parashtruar nga Operatori Ekonomik **Construmax SH.P.K.**, lidhur me aktivitetin e prokurimit me titull: “**Ndërtimi i QKMF ne Drenas**” me Nr. të Prok: 206-23-6378-5-1-2 nxjerr:

V E N D I M

1. Refuzohet kërkesa për ri-shqyrtim e Operatori Ekonomik **Construmax SH.P.K** dt. 10.07.2023 lidhur me aktivitetin e prokurimit “**Ndërtimi i QKMF ne Drenas**” me Nr. të Prok: 206-23-6378-5-1-2 kundër Njoftimit për kontratë të datës 27.06.2023 te publikuar ne platformën elektronike.
2. Vërtetohet Njoftimi për kontratë i datës 27.06.2023;
3. Autoriteti Kontraktues, vendos që *te vazhdoj me aktivitetin e prokurimit*;
4. Ky vendim hyn në fuqi ditën e nënshkrimit dhe do të publikohet për të gjitha palët në platformën elekronike në adresën: <https://e-prokurimi.rks-gov.net>.

A r s y e t i m

Operatori Ekonomik **Construmax SH.P.K** me date 10.07.2023 ka parashtruar kërkesën për ri-shqyrtim, lidhur me aktivitetin e prokurimit me titull: “**Ndërtimi i QKMF ne Drenas**” me Nr. të Prok: 206-23-6378-5-1-2. Autoriteti Kontraktues, me datë 11.07.2023, ka shqyrtauar kërkesën në fjalë si më poshtë:

Dispozitat e LPP-së që supozohet të jenë shkelur nga Autoriteti Kontraktues sipas **Construmax SH.P.K**:

1. Neni 1 i LPP-së
2. Neni 7 i LPP-së
3. Neni 27 i LPP-së
4. Neni 28 i LPP-së
5. Neni 68 i LPP-së

6. Neni 69 i LPP-së
7. Neni 71 i LPP-së
8. Neni 17 i Rregullores nr.001/2022 për Prokurim Publik
9. Neni 25 i Rregullores nr.001/2022 për Prokurim Publik

Pretendimi ankimore

Ne si palë e interesuar për të ofertuar në këtë projekt e kemi analizuar dosjen e tenderit në tërësi dhe njoftimin për kontratë, ndërsa kemi vërejtur se ju keni vendosur kërkesa diskriminuese/favorizuese në dosje të tenderit, të cilat do ti sqarojmë më poshtë:

Tek DT pjesa e Vlerësimi i aplikacioneve 22.3 Faktorët te cilët do te merren ne konsiderate gjate rikzaminimit janë:

- i. Numri më i madh i kontratave me vlerë të madhe (mbi 500,000 Euro) të përfunduara me sukses, që plotësojnë kriterin e kapacitetit teknik të përmendur nën pikën 8.1 më sipër;
- ii. Numri më i madh i kontratave për ndërtimin e projekteve shëndetësorë të kategorisë QKMF ose më lartë (nuk përfshihen AMF ambulancat).

Shënim: fillimisht zbatohet pika (i) dhe pastaj (ii) zbatohet në rast se dy ose më shumë operatorë ekonomik kanë të njëjtin numër kontratash të përfunduara me sukses sipas pikës (i).

Ne konsiderojmë se ky faktor është konfuz dhe është diskriminues pasi kontratat me vlera te mëdha janë kontrata qe parashikimi i tyre mund te jete mbi vlerën e parashikuar mbi 500,000 euro mirëpo nuk do te thotë oferta te jete mbi ketë vlere, ku ne kemi disa raste qe kontratat kane qene te planifikuara mbi vlerën 500 mijë euro me nr prokurimi 511 mirëpo ofertat tona kane qene nen vlerën 500 mijë euro dhe kemi përfunduar punimet dhe posedojmë referenca për to, ku kemi edhe me juve si ministri. Gjithashtu ky faktor edhe nuk e precizon se këto referenca a duhet te jene brenda 3 viteve te fundi. Duke u bazuar ne ketë Vlerësim te aplikacioneve përpou qe është kufizuar ne objekte te kategorisë si QKMF, ky është kufizuar edhe ne vlerën e kontratave qe kane shumen mbi 500, 000 euro ku është ne kundërshtim me nenin 69 te LPP-se citojmë paragrafin 4.2 listën me të cilën saktësohen të gjitha kontratat kryesore të shërbimeve të realizuara në periudhën e shkuan trejeçare, duke saktësuar llojin e shërbimeve të përfshira, shumën e kontratës, datën dhe pranuesin; (i) kur shërbimet janë siguruar për autoritetin publik në Kosovë ose në vendin tjetër, si dëshmi për këtë sigurim të shërbimeve do të shërbejë kopja e certifikatës (certifikatave) përkatëse të lëshuar ose bashkënnëshkrura nga autoriteti i tillë publik; (ii) kur shërbimet janë siguruar për blerësin privat, dëshmi për këtë sigurim të shërbimeve duhet të jetë kopja e çdo dokumenti të nënshkruar nga blerësi dhe evidentimi i sigurimit të tillë;

Bazuar ne LPP-ne , Rregulloren N.001/2022 dhe Udhëzuesin Nr-001/2023, konsiderojm qe vendosja e këtij faktori përcaktues për kualifikim te OE, duke kushtëzuar vlerën e sakte për referencave është ne kundërshtim me ligjin, rregulloren dhe udhëzuesin e larte cekur, pasi qe mund te jete i faktor përfundojnë me 511 apo kërkesa te jete për shumen e referencave bashkërisht ne vlerë 500,000 euro siç e përcakton neni 69 i LPP-se.

Andaj kërkojmë nga ju si AK te korrigjoni ketë faktor kualifikimi pas qe është ne kundërshtim me LPP-ne, Rregulloren N.001/2022 dhe Udhëzuesin Nr-001/2023 dhe te vendoset sipas ligjit qe faktori kualifikues te jete numri me i madhe i kontratave ne vlerë te mëdha me nr te prokurimit qe përfundojnë me 511 apo kërkesa te jete për shumen e referencave bashkërisht ne vlerë 500,000 euro siç e përcakton neni 69 i LPP-se.

Gjithashtu supozojmë qe vendosja e këtij faktori për kualifikim është bere me qellim, dhe dyshojmë qe është vendosur vetëm e vetëm qe ne si OE te mos marrim pjesë, pasi qe ne jemi OE qe kemi kontrata ne vazhdimësi me juve si AK, mirëpo kontratat e përfunduara qe kane qene kontrata ne vlera te mëdha nuk janë nen vlerën 500 mijë euro, dhe kontrata e cila është e kontraktuar me ju dhe ka vlerën mbi 500 mijë edhe ne proces te pranimit teknik dhe duke e ditur referencat e kompanisë tone, supozojmë qe është vendosur ky kriter-faktor përfunduar kualifikimin.

Bazuar ne përvojën qe kemi, dallimi ne mes QKMF-ve dhe AMF-ve është kryesisht tek pjesa e gazit medicional dhe rrezatimit X-ray, dhe nuk do te kishte ndonjë specifik qe duhet te jene patjetër ne vlerën prej 500,000 euro, pasi qe vlera e përcaktuar nuk mund te ketë ndonjë kushte profesional mirëpo vetëm kushte diskriminues

Kërkesat e lartekura bien ndesh plotësisht me nenin 7 të LPP-së përkatësisht paragrafët 1, 2, 3 dhe 6. Paragrafi 1 i nenit 7 parasheh qartë që "Autoriteti kontraktues do ti trajto operatorët ekonomik në mënyrë të barabartë dhe jo-diskriminuese dhe do të veprojë në mënyrë transparente".

Me këtë kërkesë, jo që nuk mund të ketë trajtim të barabartë të operatorëve ekonomik por do të ketë diskriminim të hapur dhe përcaktim të fituesit qysh në start të këtij aktiviteti të prokurimit, pa konkurrencë të hapur.

Paragrafi 6 i dispozitës së nenit 7 parasheh qartë : Gjatë udhëheqjes së aktiviteteve të prokurimit, të gjitha autoritetet kontraktuese do të sigurojnë; (i) pjesëmarjen sa më të gjerë të mundshme të operatorëve të interesuar ekonomik lidhur me çmimin dhe lëndën e prokurimit".

Me këto kërkesa nuk mundësohet pjesëmarje e gjerë e operatorëve ekonomik, por në këtë mënyrë është kufizuar tej mase konkurrenca dhe këto kërkesa janë drejtësore jo në harmoni me qëllimin dhe lëndën e prokurimit sepse kur kufizohet konkurrenca me kërkesa të pa nevojshme atëherë edhe çmimi ofertues i operatorëve ekonomik të favorizuar automatikisht është shumë më i lartë sepse nuk kanë konkurrencë dhe faktikisht determinohet çmimi nga ana e autoritetit kontraktues në bazë të kërkesave të dosjes së tenderit.

Me kërkesat e vendosura nga ju, jo që nuk i është kushtuar rëndësi operatorëve ekonomik por OE të themeluara rishtazi i janë myllur plotësisht dyert dhe mundësitet e ofertimit. Pra me këto kërkesa dhe dëshmi të kerkuara mundësia është shumë e madhe dhe pothuajse e pashtëmangshme e dëmtimit të buxhetit, sepse kompanitë e caktuara (që ju kanë përshtat kriteret) mund të ofertojnë me çmime shumë më të larta dhe eventualisht të nënshkruajnë kontratë, prandaj mundësia e manipulimit me çmime kur përshtaten kërkesat është shumë e madhe.

Duke u bazuar në të gjitha dëshmitë dhe kundërshtimet tona që u cekën më lartë rezulton se ju si autoritet kontraktues nuk e keni përpiluar dosjen e tenderit në harmoni me nenin 27 të LPP-së dhe njëkohësisht nuk e keni pasur parasysh as nenin 17.17 të Rregullores nr.001/2022 për Prokurim Publik ku shkruan qartë që "Dosja e tenderit do të përgatitet në mënyrë që nuk: Kufizon konkurrencën në mesin e OE, ose Diskriminon kundër ose vepron në favor të një ose më shumë OE-ve".

Pra duke u bazuar në të gjitha faktet që u cekën më lartë, shihet tendenca juaj për dhënien e kontratës operatorëve ekonomik të caktuari, pasi që gjitha kërkesat e lartpërmendura i përshtaten kompanive të caktuara dhe kufizohet konkurenca.

Ju keni vepruar në kundërshtim me rregulloren nr.001/2022 për prokurim publik. Neni 25.6 i Rregullores për prokurim publik e parasheh qartë "Të gjitha kërkesat minimale për kualifikim do të janë drejtësore relevante dhe proporcionale për objektin e kontratës në fjalë.

Në këtë tender kërkesat e përcaktuara nga ju nuk janë proporcionale me objektin e kontratës dhe natyrën e këtij aktiviteti të prokurimit por janë kërkesa shumë më të mëdha se sa vlera dhe natyra e kësaj kontrate dhe janë kërkesa të panevojshme.

Neni 25.4 i Rregullores për prokurim publike parasheh qartë "Gjatë përcaktimit të kërkesave minimale për kualifikim, AK do ti kushtoj rëndësi të veçantë zhvillimit të OE dhe do të formuloj kërkesat minimale të kualifikimit në mënyrë që nuk përfjashton OE të themeluari rishtazi të cilët posedojnë aftesi të arsyeshme dhe të mjaftueshme ekonomike, financiare dhe/ose teknike. "Të arsyeshme dhe të mjaftueshme" do të nënkuptoj në lidhje me: a. vlerën e parashikuar të kontratës, dhe b. përdorim të drejtë të fondeve publike.

Krejt në fund, kur kemi parasysh të gjitha faktet dhe dëshmitë që u përmendën më lartë dhe kërkesat favorizuese/diskriminuese, ju njoftojmë se nëse nuk ndryshohen këto kërkesa, ne nuk do të ndalemë me këtë kërkesë për rishqyrtim por do të vazhdojmë procedurat ligjore edhe në institucionet tjera administrative por njëkohësisht më pastaj këto veprime dhe këto kërkesa do ti denoncojmë në organet

tjera kompetente me qëllim që të njoftohen edhe institucionet tjera kompetente se në këtë rast ka kurdisje të plotë të këtij tenderi.

Duke u bazuar në të gjitha ato kërkesa diskriminuese-favorizuese dhe në ato dëshmi të këruara, rezulton se në këtë mënyrë nuk mund të arrihet qëllimi i LPP-së, siç parashihet në nenin 1 të këtij ligji, e ku shkruan qartë: *Qëllimi i këtij ligji është të siguroj mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë.*

Pergjigjia e Autoritetit Kontraktues ne lidhje me pretendimin Ankimore

Ne lidhje me dispozitën e shkelur për te cilat pretendon “Construmax SH.P.K”, Autoriteti Kontraktues hedhë poshtë te gjitha pretendimet e OE.

1. **Neni 1 (Qëllimi)** – sipas këtij nenit AK është i obliguar qe të siguroj mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë. Edhe pse nuk keni dhëne asnjë argument se si është shkelur kjo dispozite, AK ju njofton se ka publikuar Njoftimin për kontrate duke shfrytëzuar procedurën e kufizuar me qellim te sigurimit ne mënyrën me efikase me transparente dhe me te drejte te shfrytëzimit te fondeve publike dhe konfirmon se të gjitha kërkesat minimale për kualifikim janë drejtpërdrejtë relevante dhe proporcionale për objektin e kontratës në fjalë.
2. **Neni 7 (Barazia në Trajtim/ Jo-Diskriminimi)** - sipas këtij nenit AK është i obliguar qe do ti trajtoj operatorët ekonomik në mënyrë të barabartë dhe jo-diskriminuese, gjë te cilën AK e ka respektuar, sepse ka publikuar Njoftimin për kontrate dhe ka përcaktuar të gjitha kërkesat minimale për kualifikim ne përputhje me dispozitat e LPP dhe Rregulloren e Prokurimit Publik dhe janë kërkesa drejtpërdrejtë relevante dhe proporcionale për objektin e kontratës në fjalë.
3. **Neni 22 (Dosja e Tenderit)** – sipas këtij nenit AK të përpiloj një dosje të tenderit që ofron informatat përkatëse lidhur me kontratën në fjalë, duke përfshirë të gjitha termet dhe kushtet materiale të saj, procedurat e zbatueshme të prokurimit, çfarëdo kërkesë të aplikueshme të përshtatshmërisë ose ndonjë kriter të përgjedhjes, procedurat e ankesës si dhe informatat e tjera përkatëse siç kërkohen nga ky ligj ose siç i sheh të domosdoshme autoriteti kontraktues. AK konfirmon se nuk ka shkelur ketë dispozite sepse ne Dosje te tenderit- respektivisht ne dokumentet e para kualifikimit ka dhëne te gjitha informatat përkatëse lidhur me kontratën në fjalë, duke përfshirë të gjitha termet dhe kushtet materiale të saj, procedurat e zbatueshme të prokurimit, çfarëdo kërkesë të aplikueshme të përshtatshmërisë ose ndonjë kriter të përgjedhjes, procedurat e ankesës si dhe informatat e tjera përkatëse.
4. **Neni 28 (Specifikimi teknik)** - sipas këtij nenit AK do ti parashtrojë të gjitha specifikimet e detyrueshme teknike në dosjen e tenderit. Edhe pse nuk keni dhëne asnjë argument se si është shkelur kjo dispozite AK sqaron se për ketë procedure eshët aplikuar procedura e kufizuar dhe se ne fazën e pare, ne fazën e parakualifikimit (Dokumentet e parakualifikimit) nuk percaktohen specifikimet teknike. Specifikimet teknike dorëzohen tek OE ne faze e dyte.
5. **Neni 68 (Gjendja Ekonomike dhe Financiare)** – sipas këtij nenit Autoriteti kontraktues mund të kërkojë nga operatorët ekonomik që të parashtrojnë të dhëna për të treguar se ata i përbushin kushtet minimale ekonomike dhe financiare të specifikuara në dosjen e tenderit dhe në njoftimin e kontratës. Edhe pse nuk keni dhëne asnjë argument se si është shkelur kjo dispozite, AK ju njofton se ka përcaktuar të gjitha kërkesat minimale për kualifikim ne përputhje me dispozitat e LPP dhe Rregulloren e Prokurimit Publik dhe janë kërkesa drejtpërdrejtë relevante dhe proporcionale për objektin e kontratës në fjalë.
6. **Neni 69 (Aftësia Teknikë dhe/ose Profesionale)** – percakton deshmite te cilat duhet ti dorezoj OE per te deshmuar përbushjen e kerkesave te percaktuara nga AK. Dispozita ku

referoheni i referohet dëshmisë që OE duhet të dorëzojë dhe jo kërkesave sepse ne përputhje me legjislacionin ne fuqi kërkesat minimale përcaktohen nga AK.

7. **Neni 71 (Grupet e Operatorëve Ekonomik dhe Operatorët e Huaj Ekonomik)** – përcakton kushtet qe duhet plotësuar ne rast te grupit te OE. JU nuk keni dhëne asnjë argument se si është shkelur kjo dispozitë.
8. **Neni 17 i Rregullores nr.001/2022 për Prokurim Publik (Dosja e Tenderit)** - sipas këtij nenit AK të përpiloj një dosje të tenderit qe deklaron të gjitha informatat relevante për kontratën në fjalë që OE-të të interesuar duhet të dinë për përgatitjen e tenderëve pa kërkuar informata shtesë. AK konfirmon se nuk ka shkelur ketë dispozite sepse ne Dosje te tenderit respektivisht ne dokumentet e para kualifikimit ka dhëne te gjitha informatat përkatëse lidhur me kontratën në fjalë, duke përfshire të gjitha termet dhe kushtet materiale të saj, procedurat e zbatueshme të prokurimit, çfarëdo kërkesë të aplikueshme të përshtatshmërisë ose ndonjë kriter të përzgjedhjes, procedurat e ankesës si dhe informatat e tjera përkatëse.
9. **Neni 25 i Rregullores nr.001/2022 për Prokurim Publik (Kriteret e përzgjedhjes)** – përcakton se të gjitha kërkesat minimale për kualifikim duhet të janë drejtpërdrejtë relevante dhe proporcionale për objektin e kontratës në fjalë. AK konfirmon se ka përcaktuar të gjitha kërkesat minimale për kualifikim ne përputhje me dispozitat e LPP dhe Rregulloren e Prokurimit Publik dhe janë kerkesa drejtpërdrejtë relevante dhe proporcionale për objektin e kontratës në fjalë.

Për me tepër, Autoriteti Kontraktues sqaron se për ketë aktivitet te prokurimit është përzgjedh procedura e KUFIZUAR.

Sipas nenit 56 te LPP dhe nenit 47 te Rregullores se Prokurimit Publik:

Procedura e Kufizuar është një procedure me dy fazë, ku vetëm ata Operatorë ekonomik të cilët i plotësojnë kërkesat minimale, në lidhje me aftësinë teknike dhe profesionale, dhe kapacitetet ekonomike dhe financiare për të kryer një projekt, ftohen në tender.

- a) Në fazën e parë, fazën e Para-kualifikimit, të gjithë Operatorët ekonomik ftohen t'i dorëzojnë kërkesat që të marrin pjesë në procedurë. Autoriteti Kontraktues zgjedh Operatorët Ekonomik të cilët i plotësojnë kërkesat minimale të kritereve të përzgjedhjes të specifikuara në njoftimin e kontratës.
- b) Në fazën e dytë, faza e dhënies së kontratës, vetëm Operatorët Ekonomik të zgjedhur lejohen të tenderojnë. Autoriteti Kontraktues fton Operatorët e zgjedhur Ekonomik t'i dorëzojnë tenderët dhe i vlerëson tenderët duke përdorur kriteret e dhënies të specifikuara në ftesën për tenderim.

Të gjithë kandidatët pasi të kenë dorëzuar dokumentacionin e kërkuar duke demonstruar ose konfirmuar se kandidatët janë të përshtatshëm dhe i plotësojnë kërkesat minimale të kualifikimit, do të konsiderohen të para-kualifikuar dhe të përzgjedhur për të marrë një ftesë për tender, përvèç nëse numri i kandidatëve të tillë kalon numrin gjashtë (6).

Nëse numri i kandidatëve të përshtatshëm që plotësojnë kushtet e përzgjedhjes është më i madh se maksimumi prej gjashtë (6), pikat e forta dhe dobësítë relative të aplikacioneve të këtyre kandidatëve duhet t'i ri-shqyrtohen për të identifikuar gjashtë aplikacionet më të mira për procedurën e tenderimit. Gjatë rishqyrtimit, Autoriteti Kontraktues do të marrë në konsideratë për rishqyrtim vetëm faktorët e publikuar në Njoftimin e Kontratës. Autoriteti Kontraktues mund të merr parasysh vetëm kriteret e kapacitet financier ose teknik si kritere shtesë.

AK, respektivisht Ministria e Shëndetësisë, ka përzgjedh për ketë aktivitet te prokurimit Procedurën e Kufizuar. Ministria e Shëndetësisë ka përcaktuar te gjitha kërkesat e kualifikimit ne përputhje me

dispozitat e LPP dhe Rregulloren e Prokurimit Publik dhe janë kerkesa drejtpërdrejtë relevante dhe proporcionale për objektin e kontratës në fjalë.

Kriterin e mëposhtëm, te cilin e kemi përcaktuar si kriter te RI-ekzaminimit, dhe te cilin ju e konsideroni si kriter diskriminues, *është kriter i cili do te aplikohet VETEM nëse pranohen me shume se gjashte (6) aplikacione te cilat përbushin kriteret e kualifikimit te përcaktuara ne Njoftimin për kontrate dhe ne Dokumentet e Para-kualifikimit*. Do te thotë janë kritere te Ri-ekzaminimit për te përzgjedhur 6 aplikacionet me te mira. Pra, ne rast se pranojmë me shume se 6 aplikacione, 6 aplikacionet me te mira do te përzgjedhin ato aplikacione qe kane numër me te madh te kontratave me vlerë te madhe. Dhe ne rast se kemi dy ose më shumë operatorë ekonomik qe kanë të njëjtin numër kontratash të përfunduara me vlerë te madhe përzgjidhen ato aplikacione qe kane numër me te madh te kontratave për ndërtimin e projekteve shëndetësorë të kategorisë QKMF ose më lartë (nuk përfshihen AMF ambulancat).

- i. *Numri më i madh i kontratave me vlerë të madhe (mbi 500,000 Euro) të përfunduara me sukses, që plotësojnë kriterin e kapacitetit teknik të përmendur nën pikën 8.1 më sipër;*
- ii. *Numri më i madh i kontratave për ndërtimin e projekteve shëndetësorë të kategorisë QKMF ose më lartë (nuk përfshihen AMF ambulancat).*

Shënim: fillimi shi zbatohet pika (i) dhe pastaj (ii) zbatohet në rast se dy ose më shumë operatorë ekonomik kanë të njëjtin numër kontratash të përfunduara me sukses sipas pikës (i).

Ne lidhje me argumentin tuaj se ky faktor është konfuz dhe është diskriminues pasi kontratat me vlera te mëdha janë kontrata qe parashikimi i tyre mund te jete mbi vlerën e parashikuar mbi 500,000 euro mirëpo nuk do te thotë oferta te jete mbi ketë vlerë, ku ne kemi disa raste qe kontratat kane qene te planifikuara mbi vlerën 500 mijë euro me nr prokurimi 511 mirëpo ofertat tona kane qene nen vlerën 500 mijë euro, **Ministria e shëndetësisë sqaron se nuk ka konfuzitet ne ketë kriter te ri-ekzaminimit sepse është e cekur qarte se kontratat me vlerë te madhe janë kontratat me vlerë mbi 500,000 Euro.**


Ne lidhje me argumentin tuaj se ky faktor edhe nuk e precizon se këto referenca a duhet te jene brenda 3 viteve te fundit, **Ministria e shëndetësisë sqaron se kjo është e cekur qarte ne ketë kriter te ri-ekzaminimit pasi qe përcakton "Numri më i madh i kontratave me vlerë të madhe (mbi 500,000 Euro) të përfunduara me sukses, që plotësojnë kriterin e kapacitetit teknik të përmendur nën pikën 8.1"** dhe kriteri nr.1 tek pika 8.1 përcakton: "Operatori ekonomik duhet të dëshmoj se ka realizuar me sukses projekte në fushën ndërtimit (objekte te kategorisë II sipas ligjit te Ndërtimit, respektivisht MMPH-04 2017-UA), në vlerë të përgjithshme jo me pak se 3 Milion Euro, gjatë periudhës se shkuan 3 (Tre) vjeçare duke filluar nga data e Njoftimit për Kontratë".

Ne lidhje me argumentin tuaj, Duke u bazuar ne ketë Vlerësim te aplikacioneve përpos qe është kufizuar ne objekte te kategorisë si QKMF, ky është kufizuar edhe ne vlerën e kontratave qe kane shumen mbi 500, 000 euro ku është ne kundërshtim me nenin 69 te LPP-se citojmë paragrafin 4.2 listën me të cilën saktësohen të gjitha kontratat kryesore të rëndësishme të shërbimeve të realizuara në periudhën e shkuan trevjeçare, duke saktësuar llojin e shërbimeve të përfshira, shumën e kontratës, datën dhe pranuesin; (i) kur shërbimet janë siguruar për autoritetin publik në Kosovë ose në vendin tjetër, si dëshmi për këtë sigurim të shërbimeve do të shërbejë kopja e certifikatës (certifikatave) përkatëse të lëshuar ose bashkënnëshkrura nga autoriteti i tillë publik; (ii) kur shërbimet janë siguruar për blerësin privat, dëshmi për këtë sigurim të shërbimeve duhet të jetë kopja e çdo dokumenti të nënhkruar nga blerësi dhe evidentimi i sigurimit të tillë;, **Ministria e shëndetësisë sqaron se përvëç faktit se Dispozita ku ju referoheni i referohet dëshmisë që OE duhet të dorëzojë dhe jo kërkësave sepse ne përputhje me legjislacionin ne fuqi kërkësat minimale përcaktohen nga AK, dhe faktit se AK ka përcaktuar kriteret ne përputhje me nenin 69 te LPP, ky kriter i ri-ekzaminimit ndërlidhet me nenin 56.2.2. te LPP dhe nenin 47.17 te Rregullores se prokurimit publik dhe është ne harmoni te plote me nenin 56.2.2. te LPP dhe nenin 47.17 te Rregullores se prokurimit publik.**

Zyrtari Përgjegjës i prokurimit bazuar ne ato që u thane më lart ka vendosur si ne dispozitiv.

Këshilla juridike:

Kundër këtij vendimi, ankuesi mund të paraqesë ankesë pranë OSHP-së. Ankesa prane OSHP-se duhet te dorezohet brenda 10 (dhjete) diteve pas pranimit te ketij vendimi.



Berat Marmullaku

Zyrtari përgjegjës i Prokurimit